

բաղկացած գիւղացիների մի բազմութիւն, որոնք բոլորն էլ զինված էին բրիչներով, բաճերով և թիակներով։ Նորանց միջին երբեմն երբեմն երևում էր մի Եւրոպական կառք։

«Այդ ի՞նչ բան է», հարցրի առաջնորդիցս։

— «Այդ խանն է, որ ճանապարհորդում է», պատասխանեց նա։

Բանից երևաց, որ խանը Տփիսիսում կառքով մանգալը շատ է հաւանել, և դոցանից մինը գնելով Մագու իւր հետն է տարել և ճանապարհորդում է, բայց որովհետև շինուած ճանապարհներ չ'կան, խանը ամեն գիւղից «օլամէք» (տարապարհակներ) է հանում և այն տեղեր, ուր՝ երկրի պատառուածքները փոքր են լինում, խանը հրամայում է «տօլդուրուն» (լցրէք), իսկոյն բրիչ բահը գործ է գրվում, փոսը լցվում և խանի կառքի անիւները գլորվում են վերայից. իսկ ուր որ խրամատը մեծ է, երկար ժամանակ է հարկաւոր լցնելու, հաւասարելու նորան, խանը հրամայում է «գալդըրըն» (վերցրէք), իսկոյն բազմութիւնը բարձրացնում է խանին և նորա կառքին անցկացնելով խրամատի միւս ափը։

Այդպէս, բարձրապատիւ խանը «տօլդուրուն»ով և «գալդըրըն»ով անցնում է Մագուայ խանութեան մի ծայրից միւս ծայրը, աւելի ճիշտ ասել, խանը բարեհաճում է իւր կառքով և